

14/09/1999

Peserta dirai pada majlis makan malam

PETALING JAYA, Isnin - Lebih 1,500 peserta daripada 54 negara yang menyertai Persidangan Undang-undang Komanwel ke-12, diraikan dalam majlis jamuan makan malam anjuran Perdana Menteri, Datuk Seri Dr Mahathir Mohamad, di sebuah hotel di sini malam ini.

Menteri Kewangan Pertama, Tun Daim Zainuddin, mewakili Dr Mahathir pada majlis itu. Hadir sama Menteri Kebudayaan Kesenian dan Pelancongan, Datuk Abdul Kadir Sheikh Fadzir; Timbalan Menteri di Jabatan Perdana Menteri, Datuk Paduka Ibrahim Ali; Presiden Persatuan Peguam Komanwel, Datuk Dr Cyrus Das dan Presiden Majlis Peguam Malaysia, R R Chelvarajah.

Hadirin dihidangkan dengan makanan tempatan serta persembahan kebudayaan.

Persidangan yang dirasmikan Dr Mahathir pagi tadi adalah yang pertama dilangsungkan di Asia sejak Persatuan Peguam Komanwel ditubuhkan pada 1983.

(END)